

欽定剿平三省邪匪方略

正編

一三五

卷之四

卷之四

卷之四

卷之四

欽定剿平三省邪匪方略正編卷二百九十九

壬戌年

二月初六日丁未額勒登保奏言查苟逆股匪由

石泉之菩提河竄至迎風壩臣飭令薛大烈張

績等由兩河五郎關一帶抄截臣率同扎克塔

爾格布舍張鳳等由石泉漢陰顧住東南而進

二十一日晚間兵抵迎風壩賊匪竄踞高山之

上扎克塔爾格布舍張鳳等帶領兵勇於三更

時奮力衝擊殺賊三四十名因山勢陡峭冰雪

凝滑張鳳連馬墜入深巖跌損左腿賊匪連夜

翻山逃遁

臣

於二十二日進抵漢陰之澗地鋪

探得該匪已由鐵爐壩竄入漢陰之觀音河有

東出銅錢窖松樹壩之勢薛大烈等由寧陝之

賈家營太山廟進發顧住北面次日

臣

又分撥

兵勇千名派令格布舍李應貴副將張瑗等帶

領由中河紅巖寺素竹嶺星馳追擊原仍率同

扎克塔爾全德由梅子舖大河口陳家臺松樹

壩一帶探蹤迎擊途次接據格布舍等報稱二

十四日帶兵趕抵銅錢窖探得賊匪向焦溝逃

遁當卽鼓勵兵勇冒雪追至吳溝賊匪正在該

處掠食兵勇分投掩殺殲斃五六十名生擒旗

手張文向等三十四名均經正法餘匪翻越山

林向東北逃遁臣聞信於二十五六等日顧住

東面由紫溪嶺蔡家坪霸王灘至鎮安之沙溝

口抄截探得該匪竄向小壬河米糧寺一帶已

在我兵之西復恐該逆被剿情急遁入孝義秦

嶺臣卽緊顧東北於二十七八等日傍晚追至

三臺子行程已一百五六十里賊匪亦甫經竄

到將欲屯劄遂卽乘夜進剿斬獲三十餘人生

擒米世朝等二十四名該匪復連夜潰逃當將
獲犯概行正法二十八日帶兵由洵陽壩追剿
又據萍大烈張績報稱二十五六等日與副都
統銜達斯呼爾岱等帶兵由銅錢窖火鏟礮旋
探旋進聞烏雲寨有零匪百餘名竄擾連夜剿
捕殺斃二十餘名生擒鄭世溝等二十一名據
供係苟逆股內之人於二十四日被兵衝散連

日由深山無路處竄走要我尋大股合夥尚有
餘匪數十人於天明時潰散無蹤薛大烈等現

由木旺坪手扒巖前進探剿苟逆正股臣又探

得苟逆已由洵陽壩出火地向腰竹嶺奔逃查

腰竹嶺右路通金雞河四畝地可入南山左路

出賈家營五郎關可折竄漢陰石泉地界臣已

飭格布舍李應貴張瑗等躡蹤緊剿并飭令薛

大烈等顧住東南從古桑墩太山廟賈家營一

帶截擊臣率同扎克塔爾全德帶兵卽由傅家

河金雞嶺甘家礪抄赴西北督催夾擊至楊遇

春在高觀寺帶偵探賊蹤截剿於二十九日

早間聞信前來迎見據稱賊匪劉永受二百餘

人於二十四日由小王澗折竄菜子坪老林東

奔副將應元寬叅將吳廷剛等帶兵跟蹤進剿

楊遇春於兩河督兵抄截擒斬十餘名餘衆向
傅家河竄去現在該匪有竄出大山岔之勢至
宋應伏李貴成股匪三百餘人自過江後竄至
鎮安火鏢礮分爲兩股宋李二逆及賊目張萬
林帶矛手百餘人又有宋小掌櫃及探馬頭帶
領二百餘人各自奔走約在五郎河會合因疊
被官兵剿殺未得合夥李貴成張萬林竄至菲

菜灘等處震懾兵威先後隻身逃遁祇有宋應
伏率領餘衆竄至光頭山守備趙友倉黨連陞
等兩路抄截殺斃三十餘名生擒王升等九名
滾巖跌斃者十餘名餘匪無多於山林內四散
逃逸其宋小掌櫃及陳文海賊匪經慶溥等帶
兵剿辦向西逃遁聞已竄往板房子厚畛子一
帶臣查該提鎮等實未敢稍遺餘力惟因限於

地勢兵力難施且山內雪深二三尺冰凌堅疑
馬匹不能前進各將弁帶領兵勇多係徒步入
山而賊蹤艱於尋覓仍未得痛加斬擒實堪焦
憤現在劉逆已東竄大山岔該匪爲數只二百

餘人臣仍令楊遇春星馳前往率同應元寬等

緊顧東面趕緊剿洗其宋小掌櫃及陳文海等
二百餘人卽責令慶溥率同叅將吳亨衍遊擊

張汝勤等帶領兵勇二千餘名由華陽板房子
大白山自西向東迅速剿捕或由東向西轟出
山外亦可剋期殄平至峪內尚有宋應伏張萬
林未淨餘氛已令總兵楊芳副將韓自昌率領
寧陝官弁兵勇於江口高關一帶顧住東面向
西探剿北面峪外有惠齡長麟等帶領官兵千
餘名在彼堵剿蓋屋郿鄠各縣又有團勇在各

峽口堵禦聲勢聯絡不敢踈漏臣現又知會惠

齡等督飭將備派撥兵勇入山協力搜捕並飛

催各路領兵大員鼓勵將士奮勉趕辦矣再查

川中賊匪如張添倫魏洪升等在川北地界奔

竄經官兵迭次剿殺之後所剩不過數百人昨

據總兵田朝貴稟報該匪與另股零匪二百餘

人合夥加以近日裹脅至多不過七八百人現

有^臣所派蕭福祿朱槐等帶領馬步兵勇一千

八百餘名協同田朝貴一路官弁併力剿辦李

彬劉湖選迭被剿殺各剩十數人幾至無蹤可

尋湯思蛟所剩不過二三百人現在亦無定向

此外太平大寧雲陽開縣一帶奔竄及藏匿山

林者或二三百人爲一股或一二百人爲一股

甚或數十人亦爲一股分合多寡其人數旣無

一定所有著名首逆倏在此股倏在彼股其輾轉依附亦無一定然約畧不過五六股爲數不

過千餘人是刻下川中賊匪合計實不過二千

數百人陝省漢江以南如平利安康紫陽一帶

近日未據報有賊蹤其竄入漢江以北者如劉

永受李貴成宋應伏等合計不過四五百人現

在臣所剿苟逆又已不及千人是陝境賊匪只

一千數百人楚省賊匪前接全保去臘信稱曾
王戴四等逆合計不過二千有零近又接吳熊
光來信該匪等經楚省官兵疊次剿殺又與川
境樊人傑陳姓合夥由楚省邊境竄入巫山大
寧界內等語查全保所云二千有零相隔業已
匝月近雖與樊陳合夥但除節次剿殺之外計
其人數約仍不過二十內外是刻下川陝楚三

省邊界賊匪合計不過五六千人該匪等如果
稍爲聚集則以各路大兵分路合剿實不過三
五仗可以集事兩三旬即可蕝功無如賊勢愈
窮狡詐愈甚晝則伏而不出凡溝渠林箐在在
皆可藏身夜間潛地奔逃不惟官兵難於偵探
雖寨砦民人亦莫測其蹤跡深山密林中無從
得食或遇過路民人潛出剽掠或將擄得男婦

向寨硿換易衣履食物百姓等顧府人口不得
不遂其所欲迨至百姓等報知官兵或我軍偵

得實信帶兵過往賊早遠颺往往窮日奔馳徒

勞無益

臣

前因多兵追剿未能得手是以分派

將備酌帶勁兵千數人爲一路數百人亦爲一

路得有賊蹤或奮力直前攻其無備或乘夜進
擊使之猝不及防雖亦未必時時得有殲擒然

較之大隊官兵逐北追奔轉爲得力該匪等自知罪大惡極心存疑懼雖亦時有解散總未見相率來歸旣不出投自不便再爲招致所以

臣

近於拏獲賊犯除訊明實係被脅未久者量予釋放外其餘概行正法地方團勇一事所以佐

兵力之所不及

臣

凡遇團勇有斬獲出力者均

隨時優予賞賚其承辦團勇之大小委員及寨

首人等有前來謁見者臣亦無不逐一剴切訓

勵各委員團勇不乏急公向上之人然賊匪來

去無常卽寨民亦往往不及措手所以每有斬

獲不過數人至十數人旣不能責以人人用命

亦不能責令多有斬獲臣身膺剿賊重任數年

來日則兼程跋涉夜則籌度事機當此賊數日

滅功屆垂成寧不思早寬責任卽如官弁兵勇

等冬係征剿苗匪時征調來營出師七八年荒
山冰雪晝夜奔馳勞不敢休饑不違食亦孰不
亟圖歲事奏凱言旋實以零星餘匪驟難蕩平

臣惟有與德楞泰勒保等設法趕辦以期迅速

殲除若必謂二三月之間卽能一律剿洗無遺

臣亦不敢自必現在所剩者多係狡猾亡命之

徒飄忽無常若不全行剿除不足以杜後患然

欲杜後患實不能不稍需時日臣去秋因賊勢

漸窮無庸多需馬隊是以奏請將東三省勁旅

酌量撤回刻下賊匪又非去秋情形臣方欲早

定大局酌撤大兵豈容再有征調之舉臣惟有

竭此心力迅圖蕝功此心可對

聖明功過非敢逆料臣曷勝戰慄之至奏入

上命軍機大臣傳諭額勒登保曰額勒登保奏陝境

賊匪只一千數百人楚省零匪通十不過二千有
餘均屬可信惟稱川中賊匪合計不過二千數百
人此則未確昨據德楞泰奏與巴山等處股匪竟
有四五千人在彼屯聚額勒登保遠在陝境想尚
未接德楞泰咨照故亦不知實數此時苟逆股匪
竄入南山當設法兜擒於要隘處所預爲防範不
可任其出入自由若日事尾追徒勞跋涉於事何

盜賊之長技在奔馳我之失算亦在跟追卽如溜

內所稱賊匪竄近四畝地銅錢窖火鏹礮等處朕

屢閱軍營奏報此等地方均屬習見約畧可知方

向爲賊匪向來出沒熟徑額勒登保督兵日久更

應熟悉該處路徑扼其要隘設法截剿至賊匪自

知罪大惡極心存疑懼不肯出投自不必再行招

致額勒登保專心剿捕所見甚是惟所稱山深雪

阻冰凌凝滑人力難施此等語覽之生厭目下已
屆春和冰雪亦漸融化更不得以此藉口額勒登
保惟當趁此氣候暄和鼓勵將弁奮勉圖功務於
二三月內將苟文明及各股零匪掃除淨盡勿稍
延玩其川北一帶田朝貴蕭福祿等追剿之張魏
等匪恐乘間北竄並著額勒登保飭催田朝貴等
趕緊剿淨延綏鎮總兵張鳳因乘夜進剿跌傷腿

骨不能乘騎著加恩准其回赴本任安心醫治以
示體恤

同日慶成奏言據探報辛逆股匪分夥竄過棧
西之後又有自五郎等處剿散零匪或數十人
或百餘人接踵遁入黑河臣正在川陝邊界探

剿相離較遠隨派守備李如緒挑帶兵勇三百
名星馳前往沔畧一帶協同該處防兵趕緊搜

捕並接都司張起鰲守備李行正等報稱該匪
被剿後晝夜狂奔又於廣元地方與老林藏匿
零匪數十人合夥正月初四日帶兵抄至水磨
壩地方該匪正在攻寨我兵衝上生擒席正綱

等五十六名殺斃數十名餘匪連夜逃遁南江
地方正遇經畧派出將領帶兵迎頭前來痛加
殲戮辛聰已被擒獲等語又據守備李如緒報

稱帶領兵勇連夜起至黑河探詢賊匪在站壩

林一帶有西竄之勢該備協同畧陽防兵抄出

西北本月十三日在老龍溝遇賊剿殺擒斬三

十餘名所剩餘匪俱拋擲器械鑽林散逃正在

搜捕間賊目羅半年隻身逃至沔縣地方被寨

民捉獲尚有自棧東竄來零匪百餘人在老林

晝伏夜奔未得確蹤仍卽分探搜捕等語又據

關平溝防卡遊擊馬良棟等稟報正月二十一
日探有白沔縣竄來零匪數十人假充鄉勇乘
夜繞林偷越營卡該處兵勇得信馳往截殺全

數搜捕淨盡內無著名賊目當將從賊最久者

卽行正法甫經被脅者給與路票遣回昨臣因

接經畧來札苟逆股匪經大兵剿急由太平北

竄恐其折入漢南令卽帶兵向東採迎協剿臣

卽由川陝邊界兼程趕回行次南鄭之黃鬬嶺

聞該匪先於西鄉江岸偷渡北竄現查陝境江

北祇有劉承受宋應伏苟逆等賊計爲數有限

皆係剽剩敗殘之賊別無伎倆必不敢遠離老

林額勒登保已過江督剿調度各路官兵以次

剿洗易於集事近日臣所派將弁及各防卡兵

勇尚能不避冰雪險阻出力剿賊川陝邊界一

帶尚屬寧謐臣移兵褒沔之間嚴飭將弁將續

入黑河藏匿之賊尅日剿捕淨盡如額勒登保

自江北剿潰零匪亦有西竄者並可就近督率

協捕但川境尚有總兵田朝貴等所剿張魏等

股亦係楚匪難保其不思北竄現已分差入川

遠探不拘何股餘匪竄近川陝邊境臣仍卽不

分畛域帶兵奮剿不使稍有餘孽奏入

主命軍機大臣傳諭慶成曰此次奔竄老龍溝一帶

賊匪經慶成派撥官兵分投剿殺殲斃賊匪二十

餘名並在沔縣地方將賊目羅半年擒獲又將竄

近關平溝假充鄉勇零匪數十人全數搜捕所辦

尚好惟川境田朝貴等所剿張魏等股現在廣元

一帶逃竄難保其不偷越陝境慶成惟當緊顧南

面勿令闖入至苟逆近已竄至南山恐其被剿緊

急又思西竄慶成現移師褒沔之間務宜督飭將
弁嚴防東面不使苟逆乘間逃入甘省並將各處
潛匿餘匪隨地隨時悉數剿除爲要

初七日戊申吳熊光奏言臣昨因王曾二匪會合

樊陳崔胡等逆回竄楚邊而巴東界外尚有遊

奕之賊誠恐孫清元等一旅之師未能兼顧是

以知會長齡帶兵馳赴巴東會剿並因叅贊德

楞泰追剿苟逆尚在大寧之西又恐該匪等由

房竹之向家壩等處闖入楚境不得不留兵防

守當卽知會全保督率總兵德昌王懋賞暫在

房竹南山一帶探蹤迎擊茲據探報王曾等逆

前被官兵剿後四散分竄盡往巴東邊界又有

出境之勢並探得叅贊德楞泰追剿賊匪已過

大寧將入巫山境內是刻下各股賊匪均已竄

集巫巴之間該處南界大江官兵三路進逼正
可聚而殲洗實屬極好機會急需齊集兵力與
川師兩面夾攻適接准全保知會業經督同總
兵德昌王懋賞於二十五日取道興山前往巴
東相機會剿查此時川省之賊旣過大寧則向
家壩尚非十分喫緊撫臣自可帶兵前往至二
竹西北邊界現雖寧靜但大兵全數南移房竹

未免空虛賊蹤飄忽亦不可不加意防範

臣

仍

暫駐房竹一帶彈壓遇有賊警即可隨時調度

庶不致顧彼失此再巴東興山一帶除舊存米

石外

臣

又飭藩司於截漕項下撥米五千石解

往以資接濟並早飭荆宜施道崔龍見宜昌府

金之忠就近董率各州縣探聽大兵所過設法

供運餉銀先已撥給二萬兩存貯巴東縣庫備

用近又於藩庫襄局共撥銀五萬兩解往昨全

保前赴巴東時臣復派員趕解銀二萬兩隨同

前進並諄囑全保隨時查察樽節支放似可無

虞缺乏奏入

上命軍機大臣傳諭吳熊光全保長齡曰現在王營

樊陳崔胡等逆四散分竄盡往巴東邊界長齡本

帶兵前往該處督同孫清元剿辦全保又與德昌

土懋賞取道興山前往巴東會剿而德楞泰又帶
領大兵將入巫山境內雖巫巴一帶賊股較多而
兩處兵力不爲不厚合之鄉勇不下數萬不啻十
倍於賊且德楞泰善於用兵聲威素著全保長齡
俱係年輕勇往孫清元德昌等向來打仗亦尚奮
勉務當趁賊匪竄集之時併力截剿爲一鼓殲擒
之計斷不可令其深入楚境總當儘此二三月內

將興巴一帶竄匪一律剿淨毋得再有延宕至全
保已帶兵前赴巴東其房竹等處未免空虛自當
加意防範吳熊光現往駐劄彈壓所見甚是其籌

辦糧餉一節昨不待吳熊光奏請又撥安徽省捐
監銀十萬兩合之前撥湖北湖南兩省捐監銀兩
爲數已極充裕自可源源供運不稍缺乏但吳熊
光本係該省總督又曾在軍機處行走有年不得

以籌辦糧餉無悞卽爲盡職所有該省剿賊事宜
皆其責任不但境內竄匪應督催上緊肅清卽鄰
境邊界餘匪亦當毋分畛域留心兼顧爲要

初十日

辛亥

勒保賽冲阿奏言查梁山新寧一帶

均有剿剩餘匪往來奔竄

臣

賽冲阿分帶官兵

由元壩驛團馬鋪一帶取道梁山探賊剿辦

臣

勒保督同總兵張志林等帶兵由仁市鋪麻柳

場一帶向新寧進發二十三日臣賽冲阿探得

前竄梁山之賊已向大竹所屬鑼鼓漕地方奔

逃當卽督兵星馳前往是日酉刻行抵該處察

看四圍山勢路逕叢雜其地向係居民做紙棚

廠近因賊擾人俱上寨遺有空屋沿山多產小

竹林菁深密計賊匪必係藏匿在內當將官兵

暫在高阜紮住次日黎明分派弁兵上玉頂山

神仙觀等處四路偵探該匪果在西方山華嚴

寺等處林內屯聚必須將兵勇分路圍剿

臣賽

冲阿帶同協領穆騰額塔金保等爲一路各帶

馬隊官兵向前衝殺蒲尚佐率同叅將馬元李

東山等各帶步隊兵勇分投圍捕該匪潛伏林

箐約有百餘人一聞官兵突至四散潰逃馬步

官兵緊躡擒殺斃賊二十餘名生擒旗手黃文

魁排頭唐正佐及男婦三十八名口餘匪向深

林密箐之中亡命窮竄臣賽冲阿等分派將弁

四路搜捕又獲旗手劉遠明及戰手十九名並

據附近寨民擒獻賊六名統計先後獲賊六十

六名當卽解交大竹縣聽候審辦至臣勒保督

同張志林等帶兵向新寧進發途次探得前次

剿散餘匪約七八十人由沙河舖老營場涼風

堽一帶折回柏林漕臣勒保當卽飛飭張志林

等酌帶兵勇趕往剿捕二十三日張志林馳抵

該境探得賊匪正在柏林漕兩山中間溝內當

派遊擊唐際盛守備吳芝秀帶兵從左邊山梁

下壓遊擊夏雲龍都司畢萬年帶兵從右邊山

梁下壓張志林親率兵勇由溝內進剿該匪猝

遇官兵夾擊無路奔逃立斃四十二名生擒三

十七名查無要犯審明卽行正法此股賊匪業

已悉數殲除維時臣賽冲阿查訊活賊供稱有

大竹縣民易國楨等率眾投賊之事寄信與臣

勒保前往查拏審辦臣勒保卽日馳抵大竹親

提活賊黃文魁等審訊據供此股係青號餘匪

楊總兵爲首上年臘月間在隣水境內被官兵

衝散楊總兵帶有六十餘人逃向大竹所屬四

方山正月間有大竹縣人易國楨向習白蓮教
適在四方山經過與楊總兵相遇邀約入夥易
國楨約會同教易國順等二十六人前來同在
四方山藏匿摸樁昨日官兵前來剿殺有唐正
佐等六人被獲其餘二十一人先已逃走等語

臣等查易國楨等本係良民膽敢投入賊夥隨

同滋事情罪尤爲可惡不可不淨絕根株
臣賽

冲阿帶領官兵先向開萬一路探賊剿辦並飭
張志林管帶兵勇分路向新寧東鄉一帶偵探
賊蹤就近搜剿臣勒保暫在大竹駐紮二三日
督同該縣千芒多差兵役協同寨勇嚴密搜查

當將易國楨等二十一犯先後緝獲研訊供情
無異卽將該犯等與臨陣生擒之黃文魁等各
匪一併正法惟賊首楊總兵一犯查無蹤跡據

衆賊供稱該逆本係東鄉人此時恐已逃赴東

鄉臣勒保現在飛札東鄉縣嚴加查緝此時大

竹梁山新寧達州一帶又已肅清惟聞雲萬等

處尚有竄匪蹤跡臣勒保仍趕緊與臣賽冲阿

會合前進探明辦理再查現在川省賊匪除苟

逆外實無大股之賊其在川東境內奔竄者統

計不過二千餘人川北亦不過千餘人至潛匿

山內之賊約計亦已無多惟是賊匪愈剿愈少
分合靡常非比大股之賊可以跟蹤確探易得
下落所有現在差赴各處偵探官兵惟以寨民
之語爲憑探報何路有賊卽日移兵跟剿似此
兵來賊去兵去賊來輾轉跟追疲勞兵力縱使
旬內接仗一二次而每次斬獲亦屬無多二月
以前斷不能一律辦淨查上年額勒登保德楞

泰與臣所議會請將官兵分段駐守防剿原為

剿辦零匪起見就臣愚昧之見總需仍如前議

分定段落派委鎮將管領官兵督同地方寨勇

往來巡哨搜捕俾賊匪無可竄之路方能竣事

同日楊揆奏言伏查數月以來各路大兵併力

搜捕總緣賊匪股數零星分剿尚非易易如根

株稍有未盡卽恐遺孽復生誠如

聖諭更應加意謹慎未便稍有草率惟各路官兵聚
會川省一切供支糧餉尤關緊要上年撥餉共
一百三十五萬兩合之捐監津貼僅止二百餘
萬非不勉力節省但需用孔殷每當短絀之時

祇得挪墊籌借先資應付

臣

通盤核算各路軍

營官兵鹽菜夫騾以及川東川北防兵月款運

腳並重夔兩府請領備用每月需銀三十餘萬

計三月支發卽需一百餘萬兩又未發滿漢屯
土官兵鄉勇卹賞坐餉共計已有五六十萬兩
且蔽功在邇料理旋兵遣散鄉勇找清夫騾脚
價用欵更鉅計算總須二百餘萬方能先其所
急用敢據實奏

聞伏乞

皇上俯鑒情形迅賜接濟庶於軍務有裨均奏入

上命軍機大臣傳諭勒保曰勒保官兵在大竹梁山
境內搜捕餘匪斃賊六百餘名生擒旗手黃文魁
等八十餘名如果確實自係美事第未知果如所

言否也至川北張魏股匪前據勒保奏稱派令田
朝貴等在彼專剿勒保係本省總督於各路剿辦
事宜皆應兼顧况川北係伊專辦之賊豈得因有
田朝貴等在彼竟委之不問乎又據奏川東川北

兩處賊匪不過三千餘人前據德楞泰奏稱興巴
巫山等處有賊匪四五千人在彼屯聚其數竟多
至一倍或德楞泰所報本未確實抑或係勒保探
聽未明仍卽確查速奏至所稱山林藏匿之賊不
能確指實數惟以寨民之語爲憑殊屬非是朝廷
設官分職地方之事皆有責成豈有賊匪在境懵
然不知州縣並不報而領兵大員亦竟不能設法

偵探惟以寨民之言爲憑試思此等寨民又豈人
人可信卽如大竹民人現有率衆投賊之事此外
尚有白蓮教匪混充民人歸入寨洞者安知不轉
爲賊匪耳目詐爲指引致官兵所到之處賊匪早
已遠颺豈不成爲笑柄耶至所稱分派段落責令
鎮將督同地方寨勇往來搜捕此論近是勒保旣
有所見何不照此辦理伊日昨曾奏明派委道府

分段辦理團勇等事其各路鎮將等如何分佈以
專責成此等機宜惟期于事有濟朕亦不爲遙制
當與德楞泰商定辦理可也再賽冲阿現與勒保
同在川北伊係西安將軍在川省剿賊或恐呼應
不靈豐紳原係川省提督且七十五一路官兵皆
係伊接手管帶自當責以本省剿賊之事况勒保
一路所帶鎮將如溫春等向稱驍健現在帶兵打

仗之員自不缺少何必留賽冲阿在彼幫辦勒保
接奉此旨卽將豐紳調至川北剿辦賊匪賽冲阿
著卽回赴陝省與惠齡同辦陝境之賊至各省辦
理軍務糧餉最關緊要上年川省請撥餉銀僅止
一百餘萬伊等亦未續請朕卽疑係勒保等不過
藉此寬慰朕心未足深信今楊揆果以餉項不敷
陳奏豈勒保竟不籌畫及此耶現已降旨於河南

山東兩省各撥銀五十萬兩山西省撥銀一百萬
兩解川備用該督務須督飭糧員妥爲經理俾得
源源接濟此爲最要

同日

上命軍機大臣傳諭河南山東山西巡撫曰現在剿
辦教匪大功將竣所有四川省辦理善後事宜及
補發各欸項需用尙多著於河南山東兩省各撥

銀五十萬兩山西省撥銀一百萬兩顏檢和寧伯
麟等迅卽籌畫不拘何款湊足成數派委妥員速
卽解往四川交勒保楊揆收貯備用

同日惠齡長麟奏言查宋應伏劉永受等股匪
分爲數股一股三百餘人向南山西北隅之斜

峪關奔竄臣等當卽飛飭遊擊綽克圖都司屈

端迎頭堵剿擊斃賊匪十餘人該匪翻過菩薩

山遁入老林一股三百餘人竄至盩厔縣屬之
小王澗經鄉勇毛貴等截殺三十餘人生擒十
五人餘匪敗竄有直奔陡嘴子之勢查陡嘴子
距田峪黑水峪均屬不遠臣等當卽親帶官兵
趕赴田峪黑水峪一帶往來堵截並派遊擊馬
得都司馬進忠迎赴陡嘴子截剿該匪卽遁入
老林向秦嶺以南奔竄適提督楊遇春於二十

二日由兩河穿越老林抄及賊匪趕殺十餘里
擒斬十餘人餘匪竄入老林又一股賊匪百餘
人在菲菜坪潛匿經總兵楊芳搜剿追至光頭
山趕上賊蹤斃賊二三十名賊匪四散兵勇分
投追拏又殺賊十餘名生擒九名撲崖跌斃及
被石擊斃者約有二三十人訊據活賊王升趙
思翠等同供此股係宋應伏帶領之賊此次擒

江被經畧額勒登保打散並無著名首逆在內

當將救出難民省釋歸業並分撥官兵入林搜

捕又一股賊匪三百餘人由五郎孝義竄入咸

寧縣之大峪口臣等當卽飛飭署總兵百祥都

司黃瑞署孝義同知孫樹等各帶兵勇分投堵

截殄斃賊匪六名生擒三名該匪奔孝義藍田

湯峪庫峪大峪口等處臣等恐其竄出各峪擾

及平原當卽一面酌留官兵在於子午峪以西
之澗峪里水峪一帶防堵一面親帶官兵數百
名連夜馳赴湯峪庫峪一帶往來堵截該匪又
復抄竄秦嶺以南提督楊遇春現在趕至孝義
廳一帶畧有總兵百祥都司黃瑞亦均在賊匪東
面日內必可痛加殲戮至苟逆賊匪竄入南山
後經額勒登保督兵打散現亦分投狂奔額勒

登保已派格布舍薛大烈等分投剿辦並親由
五郎江口向金雞河一帶進兵臣等屢欲帶兵

進山以山北峪口處處空虛未便無兵防堵惟

有嚴催楊遇春慶溥楊芳等趕緊剿辦並將韓

自昌雒昂等屢加訓斥無如各賊匪忽合忽分

總係依山傍林晝伏夜竄以致旬餘尙未能痛

加殄洗再臣等現在南山北面距山內各路軍

營遠近不一差探回報較遲道路傳聞尙未得
有確信奏入

上命軍機大臣傳諭惠齡長麟曰惠齡等奏剿辦南
山賊匪情形薄有斬獲俱不過撫拾鋪敘並未親
自帶兵剿淨一股卽所稱往來督剿全係一片虛
詞並非切中窾要伊等所辦何事惠齡身爲總督
於境內各股賊匪皆應籌辦所有賊匪往來蹤跡

及官兵打仗情形尤應詳悉偵探方可收剿捕之
益現在苟逆竄入山內額勒登保派令格布舍薛
大烈等分投剿辦並親由五郎江口向金雞河一
帶進兵惠齡於該省軍情豈有不聲息相通之理
何至詢諸道路傳聞著傳旨嚴行申飭又據稱山
北峪口處處空虛現在專事防堵卽以此責成惠
齡如賊匪因剿急竄逸出山惠齡不能截住自思

嘗得何罪惠齡簡用年久屢獲愆尤迭邀恩宥非
未嘗經事者比乃一經到陝則意有觀望豈欲俟
額勒登保等將賊匪全數辦竣坐享其成爲養尊
處優之總督乎至長麟帶兵本不得力留於陝省
亦屬無益卽著馳驛來京以備朕面詢該省情形
另候諭旨

欽定剿平三省邪匪方略止編卷三百

壬戌年

二月十二日

癸丑

德楞泰奏言查老黃號并黃白

青藍五號賊匪共有千餘人在巫山附近之龍

村三滙舖王家漕一帶屯住二十四日五鼓

臣

由琴樂坪分兵進剿令豐紳色爾滾武隆阿等

帶領馬步兵勇由火峯界嶺過其東折楚境之

路

臣

督率達勒精阿馬瑜等帶領兵勇直趨三

滙舖已刻趕抵該處該逆知官兵分路兜剿先

已起營向漢平舖西逃臣即督兵趕追直至八

十餘里之馬埡口山梁殺賊十餘名各逆遂紛

紛四散扒山逃遁當即分投搜捕拏獲二十三

名訊有被擄難民曾志才等九名戰手周太來

等十四名均即分別辦理旋探該逆連夜向綠

水天地潛竄日行百數十里我兵連日緊追二

十八日趕至奉節縣屬之草塘河探知賊匪散

屯於張家村一帶

臣

當卽鼓勵兵勇乘夜直撲

賊營豐紳色爾滾武隆阿等帶兵前行

臣

督率

達勒精阿馬瑜等隨後策應五更時趕抵張家

村各逆皆係佔居民房東零西散我兵畧爲整

頓黑暗中吶喊直衝賊衆登時驚潰亂跑官兵

扼住兩頭路口剿殺立斃賊八九十名生擒帶

傷賊匪劉聲遠等四十五名餘匪連夜逃竄天

明後兵勇於樹林山溝內搜獲賊匪竇福生等

十一名訊據該犯供稱係老黃號與黃白青藍

五號被官兵打散零星湊有一千一百餘人並

無元帥是陳自得爲首本係青號探馬頭今帶

領多人想過湖北不想被官兵截住等語內有

難民謝發先等二十八名當卽照例省釋餘皆

戰手一概正法該逆向無路處翻越大山由青

蓮河哨樓東坪壩北竄希圖東折入楚隨又分

兵抄出天池扼住賊頭該逆又被截回屯紮孚

家壩臣分投兜剿總不予以暇二十七日又趕

至馬埡口探有另起零匪六七十人伏匿老林

卽派叅將張應貴等帶兵入林搜捕臣仍卽督

兵前進是晚據張應貴等稟報殺賊呈繳耳記

崖逃去訊係藍號陳潮觀餘匪初二日酉刻兵
至大寧楊溪河探得陳自得等尙在水口一帶
先令達勒精阿色爾滾武隆阿等帶領馬步兵
勇星夜進剿臣督率馬瑜等於四更後繼進初
三日黎明始抵水口賊衆業已起行達勒精阿
等飛馳趕追至楊家溝地方賊衆正在紛紛躡
過溪河經馬隊飛馳趕上鎗箭齊發斃賊六七

十名生擒沈立本等十三名乘勝趕剿由劉家
壩老鴉溪翻過寶子大山又殺賊十餘名生擒
章維樑等九名餘匪連夜向奉節之七星壩乾

溪口西竄訊據沈立本等供稱陳逆原要逃過

湖北連日被官兵截剿只有五六百人要進山

躲避等語訊明均係老賊一概斬訖

臣

查陳逆

等五號殘匪輾轉狂奔於巫奉大寧深山之中

連次追剿計先後擒殲不過三百餘人其中附
近難民有陸續逃出歸家者亦有來營請票者
故現只剩五六百人已西竄雲陽一帶惟楚省
賊勢昨據孫清元等稟報打仗情形內稱樊人
傑同樊二井王曾崔胡戴四等匪連次追剿未
能東竄已逼入興房一帶山內且查川東現在
零匪實多若注意首逆而置零匪於不顧日久

必成大患臣惟有一面趕剿陳自得等賊匪并

先將川東各處零匪搜剿淨盡一面候楚省續

有來信臨期酌量辦理其田朝貴剿辦張添倫

賊股臣前已札商勒保令賽冲阿温春帶兵前

往茲已令遊擊羅思舉等帶領鄉勇一千數百

名協同剿辦頃接額勒登保來信亦已派副將

蕭福祿帶兵由通南前進是田朝貴一路刻下

兵力壯盛所剩賊匪數百名定可迅速掃除其
苟文明賊股薛大烈達斯呼爾岱等跟剿竄陝
額勒登保現又親督官兵由西鄉扼住西北前
進并札飭各路鎮將等探蹤分投兜剿該逆只
有一千餘人數路官兵雲集卽日自能了結而
李辛二逆又已先後生擒是川陝邊界指日可
以肅清而川東邊界亦可次第洗淨至勒保與

賽沖阿溫春等會合後現在梁萬一帶剿辦零
匪屢次擒斬頗多是腹地不日亦已廓清卽有
一二首逆在逃或無多零匪均可入於善後事
宜分兵辦理此次剿賊有索倫佐領達什腿受
石傷其兵勇內傷亡者容俟臣查明另行咨部
辦理奏入

上命軍機大臣傳諭德楞泰曰此次德楞泰在巫山

一帶剿辦五號賊匪前後殲擒不過三百餘人卽
賊首陳自得亦祇係青號探馬頭並非著名首逆
是德楞泰在彼僅屬剿捕餘匪前據奏與巴巫山
等處通計各股賊匪共有四五千入正深焦急今
摺內稱川東剿剩之賊不過五六百人是德楞泰
前奏未免張大其詞且伊旣稱川楚邊界賊數增
多何以不卽緊躡賊蹤與楚省長齡孫清元等一

面夾擊乎此時五號殘匪祇剩五六百人向西逃

竄若官兵專事尾追徒勞跋涉於事何益德楞泰
當設法熟籌或派令將弁分設攔截以逸待勞或
改扮鄉民使賊匪猝不及防得以乘機剿殺務須
在巫山一帶將五號殘匪掃除淨盡斷不可令其
竄入楚境設該匪等逸入川北或與張添倫等合
夥亦須分派將弁併力會剿德楞泰總應在川東

督剿不可捨而他往其與巴之賊倘被楚省逼剿
緊急折竄川東地界德楞泰應卽上緊堵剿勿任
蔓延勒保現赴新梁所有川東零匪及陳自得等
專交德楞泰辦理其川北張添倫等匪雖經降旨
令勒保督飭田朝貴等剿辦但德楞泰現係叅贊
又爲本省將軍亦當一體飭催勿再延緩干咎

十四日

乙卯

陸有仁奏言連日接據探報川省有

零星股匪二百餘人由老鴉口竄入安康漳河
經總兵穆克登布督率兵勇分投截擊殲獲一
百六七十名殺斃賊目陳得清生擒僞先鋒張
友等解散難民三十餘名此股賊匪業經全數
掃蕩又南山內苟逆股匪分爲兩股大股由迎
風溝一帶竄至安棗黑河經畧親督兵勇兜剿
其分出小股由漢陰鐵爐壩竄至寧陝黃龍廟

賈家營一帶總兵薛大烈現由野雞巢進兵截擊其劉永受股匪竄至塾屋馬岔峪經惠齡等派兵迎截賊隨奔竄熊掌溝適有把總翟煥章軍功毛貴等帶兵撞遇隨卽追殺斃賊三十餘名生擒十五名奪獲旗矛數十件餘匪復奔入老林潛匿又宋李一逆賊匪竄至澇峪內之教場壩經軍功尹貴率勇趕到殺賊七名生擒三

名其前次分出賊匪一股由岐郿交界地方折
回盩厔清水河經副將韓自昌帶兵截擊殺賊
二十餘名現在惠齡長麟等移師黑水峪田峪
一帶相機督剿又棧西關平溝一帶有零匪竄

越經遊擊馬良棟并寨勇等分投搜捕業已淨
盡又川陝邊界賊匪一股約二三百人竄至西
鄉之簡池壩一帶經副將玉福及楊奎猷等帶

兵堵剿其黎壩一帶亦有賊匪奔竄現有委員

徐霖率勇防堵臣已飛行各路防守將弁各

地方官督率寨勇嚴密堵剿再沔縣寨勇擒獲

首逆羅半年經該縣知縣馬允剛親身押解前

來臣逐加研訊該犯始猶狡飾經被裹在營之

曾有姓劉順國當面質証始據供稱實係羅半

年四川達州人向習白蓮教拜高二爲師嘉慶

搜剿共打仗三次殺死夥賊三十多人并將關

正德鎗斃就將我生擒到案等語查該犯係著

名首逆實屬罪大惡極隨於審明後卽將該犯

凌遲處死并將首級梟示其被裹之鳳縣民人

劉順國訊明有家可歸業經妥爲賞遣至曾有

娃一名年甫十三全家被賊戕害現在無可依

歸臣已於漢中妥爲安插并將擒獲首逆之寨

舉三省牙目之舉疏卷三
勇人等捐資優加獎賞奏入

上命軍機大臣傳諭陸有仁曰此次川省零股賊匪

由老鴉口竄入安康漳河經穆克登布督率兵勇

分投截擊殲獲多名掃除淨盡刻下陝省成股之

賊惟苟逆人數較多額勒登保現督兵赴安康黑

河兜剿自可迅速蕆事但大股劇賊伊等可倚仗

領兵大員分投剿辦而各處散零匪自應地方

官隨地隨時幫同搜捕方可以次廓清乃節據該督撫等所奏辦竣一股俱係各路帶兵將弁將賊匪臨陣殲戮而地方官督率寨勇擒獲者甚屬寥寥除川省之劉清陝省之雒昂楚省之尹英圖孔繼樨尙能實力搜緝外其餘各地方官因循疎懈者居多各督撫於本境賊匪盡委之帶兵大員剿捕而伊等在彼祇不過支給供應竟成承辦兵差

之員試思該地方遇有尋常盜案尙應上緊躡緝
豈於敗竄零匪聽其往來潛匿置之不顧耶至被
裹難民節經降旨諭令各督撫妥爲辦理今劉順
國一名該撫所稱資遣之處是否實已酌給路費
令其回籍謀生其曾有娃一名年甫十三無家可
歸該撫卽當交漢中府縣衙署酌派差使量給工
食以資養贍卽日勘定大局其投出難民諒復不

少若不籌畫盡善伊等無以爲生必致又萌故智
關係匪輕陸有仁務須實心經理斷不可僅托空
言爲要

同日

上諭內閣曰近日節據各路領兵大員奏報軍務情
形並無大股劇賊惟苟文明屢經官兵剿敗竄入
陝省南山鋌而走險爲稍延殘喘之計其四川湖

北地界雖有零星賊股俱不過敗殘餘匪前曾特
降諭旨將川陝楚三省畫定地段飭令各該省文
武大員分投搜剿以專責成因思叅贊德楞泰本
係成都將軍現同勒保專辦川省搜捕事宜經畧
額勒登保現在陝省督剿苟逆及該省零匪刻下
賊勢窮蹙本不值以經畧叅贊統兵久駐但餘匪
尙未廓清並一切善後事宜均須妥爲籌辦若遠

令伊等還朝將搜捕零匪各事宜僅交地方官辦理究恐不足深恃現在川楚二省均係以本省大員剿辦本境之賊責任綦專額勒登保著以經畧大臣授爲西安將軍仍兼御前侍衛領侍衛內大臣專辦陝省軍務統俟餘匪剿淨再行繳還經畧印信寧夏將軍蘇寧阿現已年老該處地方亦屬緊要著將賽冲阿調補寧夏將軍賽冲阿現尙帶

兵剿賊一時未能抵任仍著蘇寧阿暫行署理俟
賽沖阿辦賊完竣赴任後蘇寧阿再行來京另候
簡用

上又命軍機大臣傳諭額勒登保曰額勒登保自授
經畧以來帶兵打仗又一路成股賊匪現已剿除將
淨惟苟文明屢經官兵剿敗竄入陝省南山一帶
並有另股餘匪日久未能殲淨前屢降諭旨將陝

省之賊專交額勒登保搜剿因思經畧本非地方
官可比呼應不靈現已降旨將額勒登保授爲西
安將軍該省將弁皆其統轄卽地方文員亦不敢
心存外待如尙有呼應不靈及稍有掣肘之處卽
當指名嚴叅至該省賊匪將次剿淨所有帶兵之
副都統及他省鎮將各員如扎克塔爾慶溥穆克
登布等額勒登保若需留在該省帶兵不妨酌量

留用若已可不需此外如有傷病不甚得力者卽
可陸續奏明遣回額勒登保竟須在陝多駐時日
總俟該省零匪全數辦竣地方實在寧謐朕必令
額勒登保還京供職此時且無庸亟亟也

十七日

戊午

額勒登保奏言

臣

率同扎克塔爾由

金雞梁獅子坪甘家砭向西前進途次探得苟

逆股匪由洵陽壩八斗坪竄入黃官峪老林向

西逃竄格布舍李應貴等跟蹤追剿日行百數

十里於初四日由魚洞子進發薛大烈張績等

帶兵由黃家營抄出四畝地均到東嶽殿臣亦

卽兼程馳抵該處據格布舍薛大烈等面稱賊

匪知有數路大兵截剿晝夜不停總於深山密

林冰雪陡滑處輾轉逃避現在該匪已由裏巢

沙窩子竄入秦嶺該處馬匹萬難前進必須另

覓道路等語臣查該匪如竄向西北定由太白

山之北出辛峪從方柴關奔往寶鳳一帶如竄

向西南必由都督河出華陽牛尾河奔往鳳縣

棧道臣當卽派令薛大烈張績達斯呼爾岱等

挑帶趨健步隊兵勇三千餘名速由沙窩子東

河翻秦嶺板房子一帶跟蹤追剿臣率同札克

塔爾格布舍全德等帶領馬步兵勇由栗子壩

女兒壩華陽一帶緊傍山林顧定西南截擊初
八日進抵楊家灘接據總兵劉瑞稟報劉瑞乾
自昌等由太白山迤南剿辦宋逆零匪於前月
二十九日進抵板房子探得賊匪有由黑屹塔
竄向秦嶺之勢該匪人數只有二三百名避兵
逃竄艱於追剿劉瑞遂將所帶兵勇挑選五百
餘名率同遊擊朱集才於夜間覓路抄出後溝

埋伏韓自昌率同都司金三重帶領兵勇數百
名在板房子遏住路口以便夾擊初四日辰刻
宋逆股匪竄入溝內劉瑞帶兵迎頭奮擊斃賊
二十餘名生擒十餘名奪獲刀矛大旗十餘件
賊匪向黑屹塔四散奔逃正欲與韓自昌夾擊
不料韓自昌是夜在板房子適苟逆股匪翻越
秦嶺連夜由倒回峪山梁旁竄而來韓自昌帶

領兵勇奮力出擊因兵力稍單黑暗中致被衝
散韓自昌并都司金三重猝被賊矛陣亡弁兵
鄉勇亦有損傷劉瑞聞信趕抵板房子宋逆股
匪已與苟逆合夥劉瑞率同遊擊朱集才等奮
力擊退賊匪向黑河橋奔竄臣查該匪既竄盩
屋黑河橋等處其意自欲在山內游奕現有薛
大烈等帶領大兵由山內緊躡而前該匪自不

能存住或卽由太白山迤北出辛峪口斜峪關
向寶鳳奔竄亦未可定日內薛大烈等計可追
及剿殺因相隔四五百里之遙尙未接據稟報

臣

現在馳抵蓋屋之牛尾河飛速偵探如該匪

果出辛峪口等處卽率兵出鳳縣顧住棧道抄
截當可與薛大烈等夾擊以期集事倘該匪被
剿情急或竄往棧西闌入甘省邊境

臣

亦可督

師星馳截擊不致稍有蔓延慶溥及叅將吳亨
衍一路官兵連日於老林外茅坪牛角壩一帶
探蹤兜截未能遇賊接仗臣現已嚴札飭令從

藥壩一帶入山協剿楊遇春由孝義截剿劉逆

竄匪二三百人日內剿辦情形亦因相距日遠

尙未報到臣本日接到穆克登布桑吉斯塔爾

來稟據稱正月二十日探得賊匪二百餘人竄

至安康漳河口穆克登布等帶領官兵於是晚
趕到漳河坪距賊三十餘里偵探賊匪在大灣
屯扎未動穆克登布卽派遊擊閻俊烈洪得等
帶領兵勇由二虎山進剿又派都司周國平等
帶領兵勇由天星寨顧住東面截擊又有硝洞
溝茵扒溝阮家溝巖屋溝數處皆係賊匪出路
均派令副將伊昌阿遊擊王成傑興普等分路

扼截各路兵勇嘗於三更進發穆克登布桑吉
斯塔爾帶領兵勇隨後策應五更行抵大灣該
一帶依山傍林有板屋數處賊匪棲息其中遊
擊閻俊烈等飭令兵勇不許吶喊先將東北面
二處屋內賊匪四十餘人擒殺淨盡維時有附
近屋內賊匪聞聲驚起僞元帥蔡文率領三十
餘人拚命衝突刺傷鄉勇二名兵勇等均奮勇

直前當將蔡文殲斃餘賊亦斬獲無遺又有溝
邊板屋一處屯賊五十餘人經遊擊洪得守備
王惠增等帶領兵勇將房屋圍住閻俊烈率領
弁兵鄉勇入屋剿捕內有偽總管羅紹臣偽元
鋒張友率衆持矛奪路欲去當經外委官志忠
撥開賊矛將偽先鋒張友生擒各兵勇等復將
偽總管羅紹臣砍斃餘賊亦全行斬獲鄉勇內

陣亡者三人帶傷者二人維時天已大明尙有
草屋二處屯賊三四十人二三十人不等已聞
風向巖屋溝奔逃都司李廷珍千總楊清江帶
兵追去復經穆克登布所派之都司楊得陞曾
連光等迎頭截住斬獲二十餘人餘匪逃竄無
路俱滾下懸岩跌斃共計此次獲賊九十二名
兵勇割獻耳記八十七副首級八顆訊據獲犯

張文供稱係戴家營股匪去年六月間在大樹河與戴四掌櫃分夥共有三百餘人是襄陽老

教元帥蔡文帶領分開後在平利湖溪地方被

官兵剿殺一次折傷一百多人蔡文帶領衆人

四處逃竄沿途遇見黃號總兵陳得清藍號先

鋒王敏仁帶有五十餘人合夥共二百多人連

日由羊耳壩來到漳河口想到湖北找尋戴家

營大股合夥不料官兵夜間趕來圍殺元帥蔡
文總管羅紹臣黃號總兵陳得清藍號先鋒王
敏仁都被殺死等供穆克登布當令割驗首級
屬實并將該犯張友及所獲探馬唐善福凌遲
處死餘賊內實係被脅未久者三十一名均交
安康縣釋放外其餘六十一名均係積年矛手
概予正法并據總兵喜明報稱於平利之茅壩

將唐大信股內餘匪二十餘人殺斃九人生擒

老教趙士模等十二名亦經淨盡臣現在酌撥

銀兩交穆克登布等查明出力兵勇分別獎賞

以昭鼓勵又據建昌道劉清稟稱去歲十二月

二十四日探有李彬餘匪一百餘人竄至南江

之梨子園遂卽督率鄉勇前往相機剿撫當經

投出四十三人其有持矛抗拒者經鄉勇等奮

力追殺斬獲淨盡等語臣查李彬股內未聞有

此股分竄之賊該道所稟投出姓名內有苟文

芳一人或卽係臣前此所奏苟逆分股亦未可

定臣已飭令詳查具報亦經酌撥銀兩將出力

鄉勇按名獎賞又據副將蕭福祿叅將朱槐遊

擊劉健標等稟報上月十五六等日由通江毛

峪鎮等處進發二十日至椿樹坪探有一股零

匪在彼竄擾朱槐劉健標等分路截剿賊匪卽於林箐內逃遁各兵勇分投搜剿殺賊四十餘名生擒三十八名內有僞先鋒羅清仕一名訊

據供稱係張子聰餘匪前此竄入陝境經穆克登布截殺仍翻界嶺入川等語朱槐劉健標等當將獲犯就近交通江縣審辦遂卽帶兵由八

廟埡雞鳴埡一帶緊顧西面會同田朝貴協剿

張魏股匪日內諒可得手又據總兵富蘭呈報

二十六日有零匪一二百人由西鄉簡池壩

帶竄至黃栢嶺山林內晝伏夜出富蘭派令將

備分路搜捕斬戮十數人擒獲四名守備謝占

魁正入林搜殺之際有伏賊數人於林內突出

持矛向戳受傷陣亡該匪現由川境竹峪關逃

竄臣已飭知蕭福祿等協同田朝貴速將張魏

零匪辦竣卽於通南廣元一帶將零匪一律掃
除毋任滋蔓

同日惠齡長麟奏言據探報劉永受股匪經
臣

等截回飛奔孝義鎮安交界黑虎廟茨溝一帶

查黑虎廟茨溝直通大峪口
臣等帶兵迎入大

峪該匪折向西奔適楊遇春由東追來趕至紅

山洞之乾峽子殺斃賊三四十人生擒三千餘

名該匪敗竄連夜奔過子午峪以西臣等恐其

北竄平原亦卽撤出大峪口向子午峪以西沿

峪探蹤堵截初八日晚間該匪竄紫溝峪距峪

口僅止五里臣等卽於起更時拔營三更後趕

至紫溝峪該匪一見兵到刻卽起竄由山內飛

奔太平峪臣等於初九日黎明趕至太平峪督

兵進口該匪折向南趨臣等緊躡追蹤趕至三

十餘里之簡池溝地方忽接整屋縣知縣何紹
衣稟報宋應伏股匪連日總在整屋郿縣所屬
之辛口西駱等峪一帶奔竄經臣等派委之遊
擊劉英魁都司德克精額等分投截殺該匪等
未能竄出折向南趨連夜竄出逼近秦嶺之黑
屹塔地方適有總兵劉瑞副將韓自昌都司金
三重等將該匪圍截殺斃賊二十餘人生擒十

餘名正在圍剿間忽有苟文明大股賊匪自秦
嶺竄來在我兵背後恃衆撲壓宋逆見有接應
亦奮力衝突我兵前後兩面迎敵韓自昌金三
重身受矛傷陣亡總兵劉瑞力戰撤出兵勇亦
間有傷損苟文明卽竄奔黑水峪宋應伏亦竄
奔就峪經臣等派委之都司德克精額會同知
縣何紹衣督率兵勇趕赴黑水峪紮住峪口齊

向峪內施放鎗礮苟文明未能竄出其宋應伏
賊匪先有賊探數人在就峪口窺伺誘令兵勇
在就峪堵截該匪正股突由馬岔峪竄出未敢

下山卽在峪口山坡上之樓觀臺屯紮經

臣派

委之遊擊劉英魁帶兵趕往擊斃賊匪數人該
匪不敢存站卽由山坡東奔十餘里仍由田峪
進口竄回山內與苟文明合夥有奔往澗峪之

勢總兵薛大烈張績卽日帶兵追來經畧額勒
登保亦相距賊蹤不遠提督楊遇春現已趕抵
八里坪總兵劉芳亦已趕至紙坊查苟文明宋
應伏旣經合夥趨奔澇峪其勢較重劉永受嚴
匪不過三百餘人臣等自應先顧其急且總兵
楊芳已距劉永受股匪甚近臣等當飛差告知
楊芳囑其趕緊就近剿辦臣等連夜撤出太平

嶺趕赴澇峪田峪一帶堵截現在山內有額勒
登保格布舍慶溥楊遇春薛大烈張績李應貴
等各路大兵四圍兜剿先將苟逆賊匪剿滅淨

盡其餘零匪卽無難迅就殄除此外尙有賊匪
二百餘人不知係何股分出於初七日翻過秦

嶺以南向四畝地五郎一帶奔竄臣等亦已飛

札署總兵百祥都司黃瑞趕赴孝義鎮安五郎

一帶迎頭截剿均奏入

上命軍機大臣傳諭額勒登保惠齡曰本日額勒登保所奏仍不過分路追剿苟文明賊匪看來尙未得手實深焦急又據惠齡等奏在南山北面各峪口往來堵截賊匪情形與額勒登保所奏大畧相符從前額勒登保等以賊匪分投奔竄形勢散漫難於兜剿今宋應伏股匪與苟逆合夥俱在山內

竄集自不難聚而殲洗額勒登保旣熟悉該處各要隘路逕卽應分派將領實力堵截不可僅以空言塞責且陝省惟苟逆人數稍多卽與宋應伏合夥後統計亦不過千餘人而各路大兵雲集數倍於賊現又屆青黃不接之時匪衆更難於掠食額勒登保正可與格布舍楊遇春薛大烈等合力兜剿以期就地殲滅惠齡現以劉永受殘匪無多交

湯芳就近剿捕卽帶兵趕赴田峪澗峪一帶攔
截苟逆務須嚴密防範勿任賊匪一名逸出至額
勒登保摺內稱穆克登布一路獲犯張友供稱伊
係戴家營股內夥匪去年六月間與戴四掌櫃分
數後共有三百餘人在平利湖溪地方被官兵剿
殺卽四處逃竄又喜明報稱於平利之茅壩將唐
大信股內餘匪剿淨惠齡摺內亦稱秦嶺以南尙

有賊匪二百餘人不知係何股分出張友等匪於
去年六月間卽在平利地方潛竄該處俱有地方
官管轄豈無聞見或文武員弁漫不經心抑或明
知境內有賊潛藏諱匿不稟置之不辦皆未可定
但恐陝省境內似此者尙復不少著額勒登保惠
齡嚴飭地方文武留心查察認真搜拏倘有仍前
疎懈卽據實叅辦以示懲儆其張魏股匪現有朱

槐等會同田朝貴等協剿日內自可得手但恐其
被剿緊急仍復折回並著額勒登保等督飭邊界
將弁嚴密防堵所有生擒僞先鋒張友之外委官
志忠著以把總拔補其陣亡之副將韓自昌都司
金三重守備謝占魁均著咨部賜卹

欽定剿平三省邪匪方略正編卷三百一

壬戌年

二月十九日

庚申

德楞泰奏言竊

臣

前由巫山之

馬埡口將陳逆五號合夥賊匪分路兜剿該逆

輾轉於巫山奉節大寧山中疊被擒斬只存五

六百人始向七星壩乾溪口連夜西逃

臣

卽分

兵西追令豐紳武隆阿等帶兵由北面之上高

坪遏其入山之路

臣

督同達勒精阿色爾滾馬

瑜等躡蹤前進該逆畏懼軍威不分晝夜不由

正路總向大山茂林翻越希圖繞進老山均被

官兵截住初六日未刻臣趕至大崖屋地方探

得該逆因在公坪掠食相距不遠臣即督同達

勒精阿色爾滾馬瑜等帶領兵勇飛馳而進翻

上山梁見各逆在彼炊爨逆衆遙見官兵直下

山梁吶喊先逃馬隊疾驅追至四五里始及其

尾鎗箭齊發立斃賊五六十名生擒謝國材等
十六名仍復力追二十餘里沿途殺賊二三十
名生擒葛時茂等七名餘匪向北海壩西遁天
色已晚未便再進訊明謝國材等五名卽係本
地被擄居民其餘均係戰手一概正法初七日
豐紳等帶兵至椿樹灣地方據該處寨民鄭發
先等報稱有零匪七八十人在此一帶擄掠警

見官兵到來已進林內躲藏豐紳與武隆阿將
兵勇分爲數路進林搜剿該匪四散奔逃經兵
勇趕殺斃賊三十餘名生擒徐達先等十七名
當經訊係老賊立即梟示初八日午刻抵凍綠
壩探報右手白臘漕謝家溝有西來零匪六十
餘人臣當令豐紳馬瑜等分帶步兵前往搜捕
旋據呈繳耳級二十七副活賊彭繼祖等二十

一名餘匪向雲陽之蘭溪逸去訊係白號打散
餘匪欲尋另股合夥俱係從賊日久殺人放火
者當卽斬訖嗣探陳逆等知官兵竭力窮追日
行七八十里捨命狂奔由高陽過河向梁山萬
縣西逃又探得有自開縣竄來零匪二百餘人
已入奉節境內又據夔州府及巫山縣文武稟
報巴東巫山交界江邊之萬流一帶有賊匪一

起又巫山之竹筓堡石羅溪地方另有一起賊
匪藏匿又巴東之大花巖亦有賊匪一起各逆
時或逼近江岸時或進山擄掠往來總在巴巫
之間已嚴飭文武密爲隄防等情臣查陳自得

五號餘匪雖擒剿無幾而被我兵追截沿途逃
散者實多故現在只剩三百餘人已向萬縣西
竄勒保賽沖阿業於初五日會合後帶兵由開

縣一帶東來探剿臣再四思維現在賊勢實與

從前迥異若臣卽西進窮追縱令該逆奔逃愈

速自可趕辦剿除然而巴巫界上又形空虛倘

各逆聚而成股逼臨江岸日久無兵剿辦所關

尤爲重大是以臣遂卽東折巫山一帶迎剿陳

逆股匪亦可就近探剿湖北各逆並寄知勒保

等凡有東來之賊臣均可兼顧倘賊匪西去勒

保等卽當隨時迎剿是臣 扼據其東勒保等遊

兵於雲萬之間又極爲聯絡庶兵馬不致徒勞

於事實爲有裨臣 卽於初九日由雲陽之磁坪

取道巫夔東下沿途復分派將弁四五路各帶

兵勇二三百名改裝換形隨處遍山搜捕臣 亦

督率豐紳達勒精阿色爾滾武隆阿馬瑜等由

中心壩自北面江岸之東洋子龍洞王家梁朱

家三壩一帶搜剿於十一日兵抵夔州府之下
關城連日分兵搜捕每日獲賊數名或十數名
不等均係正賊隨時辦理

同日勒保賽冲阿奏言竊臣賽冲阿帶領官兵

先向開萬一路探賊剿辦臣勒保將大竹奸匪

查辦完竣後亦督兵繼進並派總兵張志林分

帶兵勇向新寧東鄉一帶搜捕零匪初二日臣

賽沖阿正向開縣進發探得有賊匪一股已從
開縣竄向萬縣之蝦蟆石八角坎等處滋擾卽
帶兵向萬縣星馳前進詎賊匪聞有官兵前來
卽從萬縣折回向梁山奔竄官兵探蹤緊躡其
時臣勒保正從大竹起程向開萬一路進發初
三日到萬縣途次探有賊股已從萬縣向梁山
竄去卽改道赴梁山截擊該匪知兩路俱有官

兵兜截遂遁入梁山所屬之栢林漕臣勒保督

同侍衛花品塔什拉副將倭星額遊擊陳龍驤

門繼春守備葛天培等帶兵探蹤剿捕初五日

陳龍驤葛天培帶領前隊兵勇先抵該境見山

梁有賊數十人陳龍驤卽率兵勇登山擒捕忽

山後突出賊衆四五百人佔踞山梁恃險抗拒

向下拋擲石塊如雨把總孟國卿奮勇當先額

受石傷仍帶兵冒險直上葛天培亦率兵勇繼
進儘力仰攻正在相持間適臣勒保督同花品
塔什拉倭星額等趕到臣賽沖阿與溫春帶同
侍衛富森德協領明德穆騰額佐領達春等率
領馬隊前來總兵蒲尙佐帶同叅將李東山馬
元沈洪等率領步隊亦至正值前隊官兵與賊
匪相持各路馬步官兵卽一擁而進賊匪見官

兵先後踵至始大形驚潰四路逃竄臣等當卽

派兵分投跟剿由白陽碕圓覺寺亮風埡等處

翻過數重大山追剿百餘里直至黃印濠地方

共殲斃賊七十餘名滾崖跌斃者四十餘名生

擒男婦七十一名口奪獲賊旗刀矛騾馬甚多

當將活賊劉芳鑑等查訊據供此股係白號餘

賊賊首偽總兵宋國品上年冬間在川北被官

兵擊散逃入老林內近從開縣竄出想湊合別
股人偷過嘉陵江到川西地方搶掠纔到萬縣
地界見有官兵卽改向梁山奔竄不想逃到栢
林槽地方四路大兵趕來追殺將我等擒住宋
總兵不知逃往何處等語當將各犯審明所有
從賊日久之戰手劉方鑑等四十五名卽行正
法其餘被脅難民李大發等及婦女幼童共二

十六名口發交梁山縣查明原籍送回安插其
張志林一路官兵向新寧達州一帶探剿賊匪
初二日午刻行至達州所屬之六水橋據寨民
報稱有賊匪一股纔由東鄉竄入在蓮花菴地
方滋擾張志林隨即探蹤迎剿賊匪從檀木場
蜂擁而來約有二三百人張志林當即派遊擊
鄔海慶都司畢萬年帶兵由右手山梁截殺遊

擊唐際盛守備吳芝秀由左手順河逼剿張志
林親帶遊擊夏雲龍守備周士貴迎頭截擊該
匪猝遇官兵卽折回原路逃竄張志林等督兵
緊躡追擊直趕至觀音山地方沿途殺斃賊匪
六十餘名跌斃賊十餘名生擒六十五名奪獲
賊旗鎗矛騾馬無數我兵追賊計程六七十里
餘匪被剿四竄天色已晚難以窮追當將官兵

暫紮查訊活賊內有詹文明一名係在達州與

徐添德同時起事之犯現在賊營充當旗手又

據供有胡旗手一名亦係積年老賊本日被官

兵殺死其餘被擒活賊均係戰手張志林當派

弁兵將所獲各犯就近解交新寧縣收管聽候

審辦張志林仍帶領官兵由檀木場龍王堂一

帶探明餘匪奔竄去向跟蹤進剿以期淨盡至

臣

等在柏林漕剿敗之賊連夜窮竄已由墊江

鄰水一帶奔逸有向廣安之勢此股賊匪約剩

三百餘人爲數雖屬無多但所至皆係腹地易

於裹脅且若竄過渠河卽逼近嘉陵江岸必需

趕緊殲淨

臣

賽冲阿帶兵向大竹取道兜擊派

令蒲尙佐帶領叅將馬元沈洪遊擊賀廷印分

兵由鄰水取道追剿

臣

勒保帶兵繼進策應以

冀卽日殲除所有此次兩路官兵打仗共陣亡

受傷兵勇十餘名另容照例咨部辦理查此時

川東賊匪零星四竄理應派兵多路分投剿辦

但_臣勒保一路原本有兵勇六千餘名上年十

月間在馬家營追剿湯劉股匪分出薛大烈一

路帶去兵勇四千餘名數月來總在老林剿賊

此時又追剿苟文明過陝未能歸隊_臣勒保現

僅帶兵勇二千餘名臣賽沖阿在叅贊德楞泰

一路分出亦僅帶兵一千六七百名是臣等兩

路兵勇共不過四千餘名臣勒保現又分出張

志林一路帶去兵勇一千五六百名前赴東鄉

一帶搜捕餘匪目下臣勒保賽沖阿所帶兵勇

共止有二千餘名不便再為分撥惟有儘此兵

力四路偵探賊蹤設法兜截殲除不敢稍留遺

孽至薛大烈張績等追剿苟逆股匪入陝近聞
該匪被剿情急搶過漢江北岸經畧額勒登保

親往督兵剿辦賊勢已經殘敗諒可即日殲除

叅贊德楞泰現在巫山剿辦零匪前此總兵吉

林泰孫清元由楚追剿賊匪至巫山地界旋即

兜截回楚並未深入川境臣勒保現接德楞泰

來信以此時楚省賊勢較衆擬將巫山零匪辦

淨後卽行督兵過楚其田朝貴一路在川北剿

辦張魏餘匪因其兵力較單臣勒保前已添派

遊擊羅思舉帶隨征鄉勇一千餘名前往協剿

近接額勒登保來信亦派副將蕭福祿參將朱

槐等帶兵二千餘名協同田朝貴在川北剿賊

計該路兵勇共有五千餘名儘可敷用近又接

德楞泰來信亦慮田朝貴一路兵單擬將臣賽

爾沖阿所帶官兵撥赴川北今田朝貴一路兵勇

已多自可毋庸臣賽沖阿前往助剿再據建昌

道劉清寧遠府知府德福等稟稱該道府等在

川北辦理團練適李彬殘匪竄入南江之鐵廠

坪經委員等帶領軍功鄉勇奮力截擊殲斃賊

匪多名並將首逆李彬及辛聰之弟辛文擒獲

現在解赴巴州聽候審辦俟查訊確實另行具

奏均奏入

上命軍機大臣傳諭德楞泰勒保曰此次德楞泰追
剿陳逆五號合夥餘匪殲獲無多適勒保賽沖阿
由開縣一帶東來德楞泰卽令其就近迎剿伊卽
帶兵取道夔巫東下搜捕零星竄匪看此情形德
楞泰自因陳逆五股餘匪奔竄已遠不能追及故
爾委之勒保等剿辦與前次苟逆入陝德楞泰未

及趕上以巫山奉節等處散竄賊匪較多爲詞舍
苟逆而前赴川東前後如出一轍此朕就伊所奏

情節平心靜氣體察而得並非臆度也現在德楞

泰旣往巫山一帶所有川東各股零匪卽責成德

楞泰專剿固不得令其竄往川北尤不可使之闌

入楚境務須卽在川東地方悉數殄除毋得一誤

再誤遷延推諉致干咎戾至摺內稱巴東巫山等

處又有三起賊匪或逼近江岸或進山擄掠已飭
文武密爲提防等語此三起賊匪究有幾百幾千
並未敘明殊爲含混並着查明具奏又據勒保奏
現在川北賊匪敗殘四竄卽魏張賊股亦不過零
星餘匪勒保現已派令羅思與幫同田朝貴剿辦
又經額勒登保派令蕭福祿未槐協剿共有兵五
千餘名兵力數倍於賊自可卽日殲除勒保當上

緊督催一經剿淨卽迅速馳奏前已降旨將川楚
陝竄匪交額勒登保德楞泰勒保吳熊光等分界
剿辦以專責成今四川一省又分爲兩路川東令
德楞泰督剿川北令勒保督剿分派兵力各辦各
賊不必兼顧俟一處辦竣後再以得勝兵力彼此
幫辦更易葺事但不可互相推諉總以實心實力
加緊剿捕切勿稍存取巧見長之見目下川省賊

數無多尤不值以大隊官兵跟蹤追躡德楞泰勒保惟當亟思變計或分派將領四處剿捕或改裝易服隨處緝訪德楞泰係成都將軍勒保係四川總督惟當各擇一適中要隘地方駐劄以逸待勞督率剿辦庶官兵不至奔走疲乏再賊匪屢經招撫而投出者甚屬寥寥人情莫不愛生惡死何以賊匪轉欲自蹈死地其故殊不可解其中或有別

情德悞泰勒保不妨據實密奏又勒保摺內稱拏

獲活賊劉芳鑑供稱賊首偽總兵宋國品本係白

號餘黨上年冬間在川北被官兵擊散逃入老林

內近從開縣竄出要想湊合別股偷過嘉陵江到

川西地方搶掠等語此股賊匪自去冬卽潛伏老

林何以此數月內地方官竟毫無聞見並不稟報

剿辦直至近日春和始聽其竄逸出山肆行搶掠

着勒保卽查明該逆所匿老林究係在何州縣所
管地方在地方官畏懼處分自必飾詞推諉應卽
訊之現獲賊匪令其一一指實卽將該州縣指名
嚴叅以示懲儆

同日吳熊光奏言查楚省境內前次僅有王會
一股在興巴一帶往來奔竄人數稍衆係總兵
孫清元吉林泰帶兵剿辦其餘房竹南山潛匿

零匪係全保長齡分投搜剿自去冬以來節次
殲擒已就廓清其王會股匪前經孫清元等追
剿入川後興巴一帶亦已無賊迨正月二十一
二十五等日接據孫清元等稟報王會二逆糾
合川東各股零匪人數增多乘間折回並於歸
州走馬嶺地方接仗得勝並聞川東寧巫一帶
伏匿餘匪爲數不少惟恐叅贊德楞泰自西而

來各賊畏其聲勢必致紛紛東竄與巴等處勢更著重是以全保長齡先後各赴該處合剿以收夾擊之效嗣接全保長齡來信知行至興山境內探得王曾股匪經孫清元等剿敗後竄至巴東因聞川省寧巫新到大兵該匪等不擇路徑晝夜狂奔由興山之榛子樹嶺向東北奔竄全保長齡慮其擾及南漳遠安等境各帶官兵

抄赴東北一帶過其去路孫清元吉林泰緊躡

前進所畏難民沿途逃出甚多賊勢似已窘蹙

全保長齡與該鎮等三路兜圍自可夾擊痛殲

惟前據興山縣稟報另有賊匪一股竄至該縣

之豐玉坪臣恐係王曾分股爲牽掣官兵之計

是以札囑全保長齡於道過興山時酌分兵力

截其東竄先以大兵專注王曾股匪勿墮賊奸

計連日接據探報此股賊匪尙在七連坪南陽
河山內遊奕並據逃出難民云賊營內係陳姓
管事向在川東地方屯聚掠食正月初間隨王
曾股匪竄入湖北因陳姓與曾芝秀不睦又各

自逃至興山之內希圖搶掠等語

臣

伏查楚省

兵力本不及川陝三分之一而邊境道路綿長
堵剿實難兼顧且自去年春夏以後賊總以老

林爲窟穴不由大路行走若復照前於各關隘
駐兵未免虛設徒糜鹽糧是以_臣前經奏明將
無益邊卡兵勇一併裁撤集兵三路無分畛域
遇賊卽剿昨因房竹西南二面尙屬寧靜是以
全保長齡俱赴南路合剿王曾各股以期迅速
蕙事今陳逆旣分股竄擾且七連坪一帶與房
保山徑在在可通又不得不分兵躡剿以免裹

集三卷之三十一
一
脅蔓延臣已飛信知會全保長齡酌量情形先

分一人帶領官兵卽赴西路七連坪一帶專辦

陳逆一股仍留一人帶領官兵督同孫清元吉

林泰等將王曾各股相機夾擊趕緊辦理至西

面竹谿一路近有陝省剿敗零匪數十人或一

二百人翻越老林竄入邊境臣因無兵可派當

令守備鄧興相把總張朝鳴帶領鄉勇五百名

並令竹谿營遊擊敖世俊抽撥在城兵勇帶領
前往賊竄處所協同各寨義勇隨地截剿日來
節據鄧興相等稟報均有擒斬現仍飭令實力
搜捕務絕根株以靖地方奏入

上命軍機大臣傳諭吳熊光全保長齡曰吳熊光在
房竹一帶駐紮其興山股匪係全保長齡帶兵前
往抄截現據奏稱孫清元吉林泰緊躡賊匪難民

逃出甚多是賊匪勢已窘蹙官兵自應早得勝仗
何以尙未據全保等奏到至所奏興山另有賊匪
一股在七連坪一帶遊奕與房保山徑在在可通
不得不分兵躡剿吳熊光現在咨令全保長齡酌
量先分一人帶兵專辦等語自應如此辦理全保
長齡等總當將此兩處奔竄餘匪就地殲除勿留
餘孽不得以驅逐出境卽爲了事其西面竹谿一

路零匪爲數不多自係陝省剿敗之賊吳熊光派

令守備鄧興相等帶鄉勇五百名並令遊擊教世

俊抽撥在城兵勇前往搜捕諒已足敷剿辦應飭

令上緊搜淨務絕根株並著查明此股賊匪究係

何逆遇便奏聞至湖北現在已無大股之賊但與

山房竹一帶與川境邊界在在毗連難保無餘匪

竄入該處深山老林爲賊匪奔竄熟徑且現在俱

不過數十人一二百人分合無定實不值以大隊官兵往來追擊況賊匪遇官兵追急則晝夜狂竄不知所往及去官兵稍遠又隨處休息且乘間仍可以褻脅百姓佔住民房及至官兵躡探到來又復四竄是賊逸兵勞主客異勢官軍豈不疲於奔命揆之現在情形不可不思變通之法朕意或於賊匪奔竄所在擇其緊要地方以大兵駐劄扼其

奔竄之路其零星四散之賊或派令將弁前往跟
追或令兵勇等假扮教匪隨地擒殺使賊匪無路
奔逃自投絕地方爲以逸待勞著吳熊光等酌量
邊界情形妥爲籌辦至此時兵盛賊衰其零星餘
匪自當以搜捕爲主但前此節次降旨招撫各地
方大吏已早應實力奉行何至賊匪當此窮蹙之
餘猶復鋌而走險朕求其故而不得深以爲愧豈

賊匪另有萬不得已之苦情耶並著吳熊光等詳
細查明設有別情不妨據實密奏

二十一日

壬戌

惠齡長麟奏言查苟宋二逆由景

峪腦翻山直向東奔將出澗峪臣等卽星馳趕

至澗峪口堵截適總兵薛大烈張績等亦帶兵

抄至賊匪東面該匪等又復折回西北有出田

峪之勢臣等亦卽折回田峪堵截該匪等見北

面處處有兵卽自南面銀硎溝桃園子一帶鑿

入老林薛大烈亦績帶領兵勇緊躡賊蹤相距

已不甚遠

臣

等恐該匪又由別路逃遁亦由乾

峪景峪撥兵入山在東西兩面堵截俾賊匪不

能分竄薛大烈亦績卽於十三日未刻趕抵桃

園子督率兵勇直前衝殺斃賊三十餘名生擒

四名賊匪紛紛翻上圓嶺山老林堆放木石憑

高抵拒官兵正在奮力仰攻忽聞後路鎗礮之
聲據報另有賊匪四五百人由山溝突出抄截
我兵後路經遊擊晉之璉都司羅瑛等帶領後
隊護衛鍋帳兵勇與賊對敵薛大烈卽抽帶兵
勇折回援應張績仍督率兵勇攻撲圓嶺山之
賊後路賊匪知有策應卽退上連架山大梁薛
大烈等督催兵勇鎗箭並施搶上半山賊匪擲

石如雨官兵因見山坡草密卽點火燒山風烈
焰熾延燒直上賊匪站立不住我兵從旁搶上
山頂賊匪滾巖逃走我兵自上壓下殺斃賊匪
五六十名生擒十一名賊匪四散潛逃其圓嶺
山之賊經張績督兵冒石仰攻鎗礮並發擊斃
賊匪多名攻至第三層山梁鎗礮愈緊賊匪不
能抵敵卽四散遁入老林計此次除滾崖跌斃

外共殺賊一百餘名生擒十五名內有偽總兵
姚青雲大旗手喬應祿二名該鎮等現在訊取
確供具報額勒登保核奏現在該匪分合未定
薛大烈張績等探明賊蹤乘勢趕緊剿辦刻下
額勒登保已由華陽牛尾河一帶自西面抄截
前來楊遇春及總兵楊芳均在東路兜剿劉逆
賊匪_臣等仍緊顧北面以防該匪等被剿情急

逃竄峪外副都統慶溥抄截苟逆賊匪亦已抵
馬超鎮接奉額勒登保札知西面蘇家溝磨石
溝一帶零星匪一二百人在彼遊奕派令慶溥
督率叅將吳亨衍張汝勤等趕緊搜辦並令兼
顧棧道以防苟逆大股西竄甘省是西面亦可
無虞該匪等實已十分殘敗無難卽就剿滅奏

入

上命軍機大臣傳諭惠齡曰苟宋二逆合夥後奔向
南面翻入老林經薛大烈張績督率兵勇直前衝
殺維時後路又有賊匪四五百人由山溝突出抄
截鍋帳薛大烈卽抽帶兵勇折回應援賊匪搶上
半山經官兵痛加剿殺先後殲擒一百數十人並
生擒偽總兵姚青雲大旗手喬應祿所辦甚好此
次自係薛大烈張績之功現在該匪等分合無定

當飭令薛大烈等探明賊蹤緊躡追殺不可鬆懈
現在賊匪往來奔竄出入老林惠齡等相度情形
如果將賊匪逼入老林易於辦理卽當與額勒登
保等商定四面兜圍勿令逸出並於山外各峪口
嚴密堵禦以便聚而殲洗如謂轟出老林方爲得
力則當盡力跟追遏其旁竄使賊匪進退無據盡
行轟逼出山庶官兵施展得力總當堅持定見實

力辦理方可期迅速蕆功也

同日陸有仁奏言連日復據探報苟逆大股賊

匪竄至鎮安邊界之小壬河米糧寺一帶經畧

額勒登保督率薛大烈格布舍等分投兜截賊

匪不敢東趨卽向洵陽壩一帶西竄現在逸入

盤屋之老君嶺辛峪一帶額勒登保由華陽向

西截擊派令薛大烈格布舍等卽自東嶽殿緊

躡賊蹤追剿並恐賊勢竄過棧西已令慶成於

沔畧一帶設兵迎截又劉永受股匪竄至孝義

屬之廟溝經楊遇春帶兵趕上殺賊三十餘名

生擒三十餘名餘匪四散奔逃楊遇春等趕緊

分投追剿又宋應伏等賊匪分爲兩股一股百

餘人經楊芳督令守備黨連陞等分路截殺殲

斃多名餘匪奔入老林潛匿一股二百餘人竄

至蓋屋秦嶺板房子一帶經劉瑞韓自昌等帶
兵趕至擒殲三十餘名餘匪情急逃竄官兵分

布兜截正在痛加殲洗不意猝遇大股賊匪突

至官兵奮勇截擊副將韓自昌力戰陣亡都司

金三重亦被戕害劉瑞督同遊擊朱集方等鎗

礮並發將賊擊退賊卽竄歸一處奔赴黑河橋

等情臣查副將韓自昌卽係前次陣亡副將韓

加業之胞兄向來剿賊甚爲出力弟兄相繼捐
軀家有八旬老母其情實爲可憫臣已飛飭地

方官妥爲照料並傳其親屬來陝送回甘省原

籍又棧西大竹壩一帶有賊匪一股潛匿老林

慶成令都司李廷彪等帶兵剿捕未能得手李

廷彪殺賊陣亡賊匪現竄褒城之劉家河臣已

飛札慶成趕緊馳剿此時各路大兵朝東暮西

盡在深山老林行走糧餉尤關緊要從前南山
各寨存貯之糧因楊遇春等在山稍久供支殆
盡嗣復驟添經畧及薛大烈兩路大兵需糧更
多臣當卽飛飭石泉洋縣城固各地方官將興
安運到之糧無分遠近不惜重價僱夫背運入
山趕送大營仍一面補運各寨存糧以便官兵
到時就近供應惟是賊匪分竄靡定深林曲徑

隨地潛藏不似從前大股之賊易於探蹤趨避
運糧人夫負重過進設遇前途有警勢不得不
加意慎重繞道而進以是頗形棘手現在設法
趕運幸尙不致缺誤臣復添派道府大員分路
督催務期源源接濟奏入

上命軍機大臣傳諭陸有仁曰各路兵勇剿辦賊匪
情形均早經額勒登保等具奏惟陣亡副將韓自

昌係前次陣亡副將韓加業之胞兄家有八旬老
母其情殊爲可憫朕實不知陸有仁據實陳明所
奏尙是現已降旨加恩仍著陸有仁動支銀三百
兩派員賞賞伊母用示格外優卹至所稱大竹壩
一帶有賊匪一股潛匿老林慶成令都司李廷彪
剿捕未能得手殺賊陣亡賊匪現竄劉家河等語
李廷彪著咨部賜卹但此股賊匪究係何人是否

係川省竄匪著陸有仁查明具奏並著飛札慶成
上緊殲淨勿令蔓延

上諭內閣曰副將韓自昌剿賊陣亡前經額勒登保
奏到當卽交部賜卹茲聞伊卽係前次陣亡副將
韓加業之胞兄弟均沒於王事且家有八旬老
母深爲可憫韓自昌著加恩照總兵陣亡例議卹
其一切資送回籍俱官爲辦理再加賞伊母銀三

百兩並著惠齡派地方官於伊原籍官建祠堂一
座賜名雙烈祠令本處地方官春秋致祭伊共有
子幾人俟服闋後俱著送部引見如無子嗣卽查
伊胞姪咨送以示朕優卹忠藎至意

伊胞姪咨送以示朕優卹忠藎至意